

Զօրական մասի պետական պաշտօնեաների ռոճիկի, օրապահիկի, բնա-
կարանի, վառելիքի և լոյսի վնարի մասին.— 1) Սպաների ռոճիկը սոյն թւի
հոկտեմբերի 1-ից սահմանել ամսական ներկայ օրէնքին կցւած տախտակի
համաձայն:

2) Զօրապարտ և կամավարձու պաշտօնեաների ռոճիկը սոյն թ. հոկ-
տեմբերի 1-ից սահմանել ամսական համաձայն քաղաքացիական մասի պաշ-
տօնեաներին վերաբերող՝ 1919թ. դեկտեմ. 17-ի օրէնքին կցւած տախտակի:

Զօրական բժիշկներին բացի դրանից տալ նաև առանձին ռոճիկ՝ սոյն
օրէնքին կցւած տախտակի Բ. և Գ. սիւնեակներին համաձայն, սակայն այն-
պէս, որ ստանալիք ռոճկի ընդհանուր դումարը համապատասխան դասի
պաշտօնի սպայի ռոճկից աւելի չլինի:

3) Զօրական մասի պաշտօնեաներին տրոււմ է զինուորական բաժին:
Զօրապարտ և կամավարձու պաշտօնեաների ռոճկից հանոււմ է իրենց ստա-
ցած զինուորական բաժնի արժէքը:

4) Քաղաքացիական մասի պաշտօնեաներին վերաբերող սոյն թւի
դեկտեմբերի 17-ի օրէնքի, 2,4 և 5-րդ յօդւածները տարածել զօրական մասի
պաշտօնեաների վերա:

(Հաստատուած է 1919թ. դեկտ. 29-ին)